



Inatsisartuni ilaasortaq  
Anthon Frederiksen  
Partii Naleraq

## **Ingerlatseqatigiiffinnut akileraarut aamma akileraarutitigut nalikilliliinerit pillugit § 37 naapertorlugu apequttip nr. 223-ip akineqarnera.**

Allakkap ullua: 20-09-2016  
Suliap nr. 2016 - 14008  
Allagaatip suussusia 3581120  
J. nr. 24.37.01

Asasara Anthon Frederiksen.

Inatsisartut suleriaasianni § 37, imm. 1 naapertorlugu ingerlatseqatigiiffinnut akileraarut aamma akileraarutitigut nalikilliliinerit pillugit arlalinnik apeqquteqarsimavutit.

P. O. Box 1037  
3900 Nuuk  
Oqa. (+299) 34 50 00  
Nassitsigasuaat (+299) 346350  
E-mail: oed@nanoq.gl  
www.naalakkersuisut.gl

### **1. Selskabit akileraarutaasa procentimik ataatsimik appaaviginerat qanoq naleqarpa?**

Ingerlatseqatigiiffinnut 30 procentimik akileraarusiinermi ingerlatseqatigiiffinnut akileraarut 2015-imi kommuninut aamma Namminersorlutik Oqartussanut ataatsimut 262,9 mio. kr.-inik iluanaarutaavoq.

Ingerlatseqatigiiffinnut akileraarut procentpointimik ataatsimik apparneqarpat iluanaarutit 8,8 mio. kr.-nit missaannik annaasaqarfiussapput. Tassungalu ilaavoq ilassut 6 %-iusooq, takuuk akileraaruserinermik ingerlatsineq pillugu inatsimmi § 27, aamma 0,5 mio. kr.-nit missaannik appariarfiussammat, taamaalillunilu ataatsimut appariassutit 9,3 mio. kr.-init missaanniittussanngorlutik.

Tassanga ilaavoq ingerlatseqatigiiffiit akileraarutaasa kinguartitat annaasaqarfioriaannaaneri, taakkulu ukiut arlallit matuma siornagut 1,0 mia. kr.-nit missaannut naatsorsorneqarsimapput. Kisitsisit nalinginnaasumik akit ineriartornerat pissutaalluni ullumikkornit qaffasinnerulaarnissaat ilimanarpoq, tamannami pigisat pissarsiareqqinneranni akigitinneqartup qaffariarneranik kinguneqartussaavoq, taamaalillunilu nalikilliliisoqarnissaanut tunngaviususaaq aamma annertuseriartussaalluni. '

Taamatut annaasaqarneq ingerlatseqatigiiffinnut akileraarutip procentpointimik ataatsimik appartitsivigineratigut 33,3 mio. kr.-nit missaannik naleqariaannaavoq.

- 2. Ukiumut angallatinik timmisartunillu akileraartarnikkut nalikilliliisarneq 10%-imik annertussusilerneqarsimasoq, ukiumut aningaasanngorlugu qanoq naleqarpa?**
- 3. Ukiumut sanaartukkanik/illunik akileraartarnikkut nalikilliliisarneq 5%-imik annertussusilerneqarsimasoq, ukiumut aningaasanngorlugu qanoq naleqarpa?**
- 4. Ukiumut ingerlatsinermut atortunik, atortorissaarutinik aammalu atortussaannngitsunik nalilinnik pigisanik (immaterielle aktiver) akileraartarnikkut nalikilliliisarneq 30%-imik annertussusilerneqarsimasoq, ukiumut aningaasanngorlugu qanoq naleqarpa?**
- 5. Ukiumut angallatinik timmisartunillu akileraartarnikkut nalikilliliisarneq 10%-imik annertussusilerneqarsimasoq, procentimik ataatsimik millineqassappat, akileraartarnerup 30%-ip ataani selskabit qanoq atsigisumik ukiumut akileraarnerusalissappat?**
- 6. Ukiumut sanaartukkanik/illunik akileraartarnikkut nalikilliliisarneq 5%-imik annertussusilerneqarsimasoq, procentimik ataatsimik millineqassappat, akileraartarnerup 30%-ip ataani selskabit qanoq atsigisumik ukiumut akileraarnerusalissappat?**
- 7. Ukiumut ingerlatsinermut atortunik, atortorissaarutinik aammalu atortussaannngitsunik nalilinnik pigisanik (immaterielle aktiver) akileraartarnikkut nalikilliliisarneq 30%-imik annertussusilerneqarsimasoq, procentimik ataatsimik millineqassappat, akileraartarnerup 30%-ip ataani selskabit qanoq atsigisumik ukiumut akileraarnerusalissappat?**

Ingerlatseqatigiiffiit namminersorlutillu ingerlatsisut ataatsimut pigisaannut imaluunniit pigisat taakku akileraarutitigut nalinginut ataatsimut naatsorsornerannik Naalakkersuisut pigisaqanngillat. Tamakkiisumik pigisanulluunniit agguataarlugit kisitsisit

pigineqanngillat, taamaammallu Naalakkersuisut apeqqutit 2-miit 7-imut tamakkiisumik akissuteqarfigissallugit periarfissaqanngillat.

Med venlig hilsen  
Inussiarnersumik inuulluaqqusillunga

Randi V. Evaldsen